

## **SARS YI ENDLA VUXAVISI BYA FOLE LERI NGA RIKI ENAWINI SWI NONOHA NO DURHA**

**23 Nyenyenyana 2022** - Vukorhokeri bya Xibalo bya Afrika-Dzonga (SARS) hi ku tirhisa Swiyenge swa Migingiriko ya swa Vugevenge na Ikhonomi leyi nga riki enawini na Khasitomo byi endlile mikambelo ku katsa na switirhwana swa misecho na mitekelo eka tikhamphani na vatumbuluxi va tisigarete eKwazulu-Natal, Western Cape na Gauteng.

Miako leyi kamberaweke no sechiwa yi katsa tindhawu ta vutshamo ta vahakelaxibalo van'wana. Nghenelelo na switirhwana swi yelana na mindzavisiso yo anama na tioditi eka timhaka ta xibalo ta vatumbuluxi va tisigarete, valawuri va vona, tienthithi leti yelanaka na vanhu eka swikongomelo swo tiyisisa vulandzelelanawu bya vona bya xibalo no boxa vuxokoxoko lebyi nga seketelaka tioditi teto.

Minghenelelo leyi yi sunguriwile endzhaku ka swirhalanganyi leswi nga boxiwa eka mitiviso ya khasitomo na mitlheriso ya xibalo leswi yelanaka na tienthithi.

Migingiriko ya musecho na ntekelo swi tshoverile:

- 362 wa tikheyisi letikulu leti nga na nkoka wa R4.8 million eWestern Cape.
- 3852 wa tikheyisi letikulu leti nga na nkoka wa R51 million eGauteng.
- Nkambelo hi nyama wu le ku teni enhlalukweni wa Durban endzhakukaloko 20 wa tikhontheyina ti tivisiwile hi ndlela yo hoxeka leti a ti ri na fole leri nga na nkoka wa R24 million, ku ve nkambelo wo sungula wu kumile ndhwalo wa tibeke ta semendhe. Ku engetelela, murhumeri wun'we wa tinhundzu ematikwenimambe u vhumbunuriwile ku va a nghenelela eka rhumeleni ematikweni mambe ka ku tlula tikhilogiramu ta 10 million ta fole leri nga na nkoka wo tlula R450 million. Mindzavisiso ya SARS yi ya emahlweni.

SARS yi hlohlotela vahakelaxibalo na vaxavisi ku tiyisisa leswaku swiboho swa vona swa xibalo na khasitomo swi engeteriwile leswintshwa no va eka vulandzelelanawu na milawu ya xibalo na khasitomo.

Khomixinara wa SARS, Ttn Edward Kieswetter, u tiyisisile vutinyiketeri byo anama bya nhlngano na mfumi byo lwa na vuxavisi byin'wana na byin'wana na lebyi nga riki enawini na migingiriko ya ikhonomi ya vugevenga. U te, "Lava nga tinyiketeka ku sikisa leswi kolotiwaka nkwama hi vomu hi ku tirhisa migingiriko ya vuxixi na nkavulandzelelanawu, va ta tshuneleriwa no tirhaniwa na vona. Muxaka lowu wa mukhuva wu ta endliwa wu tika no durha."

Mayelana na vuxokoxoko byo tala, u komberiwa ku tihlanganisa na [SARSmedia@sars.gov.za](mailto:SARSmedia@sars.gov.za).